

# Aa1<sup>v</sup>

---

AD LECTOREM.

SERPAT UT HERESIUM PRÆSENTI ÆTATE UENENUM.

Et Christi inficiat fraude nocente gregem.

Ipse Lirinensis tractat præfente libello

Qui nos heresium tela cauenda docet.

Expetis æterne qui præmiâ firre Coronæ,

Quifquis es, es ueræ religionis amans:

Aspice quaffetur quantis Ecclesiâ telis,

Qui pius es. nostro tempore cautus agas.

Si ueteres spectes diuini nominis hostes,

Nostri ætas magnæ nihil nouit atit habet.

M. Vitus Iacobæus Poeta  
Laureatus.

# Aa2<sup>r</sup>

---

Der Durch-  
leüchtigften/ Hochgebor-  
nen Fürftin vnd Frawen/ Fra-  
wen Anna/ Gebornen Königin  
zû Vngern vnnd Böhem/ Ertz-  
hertzogin zû Ofterreich/ Hertzo-  
gin in Obern vnnd Nydern  
Bayrn 7c. meiner Ge-  
nädigften Fra-  
wen

DVrchleüctigi-  
fte/ Hochgeborne  
Fürftin/ Gene-  
digfte Fraw:  
wiewol vnfer ab-  
gefagter erbfeind der laydig Sa-  
Aa ij than/

## Aa2<sup>v</sup>

---

than/ sich zů allen vnd yeden zey-  
ten/ gewaltigklich vnderfangen  
hat/ durch seine glider die Ketzer/  
die heiligen Chriftlichen kirchen/  
die da ift ein faül vnnd grundueft  
aller warheyte/ hefftig anzůfch-  
ten/ den Catholifchen glauben zů  
tadlen/ die Chriftlichen einigkeyte  
zurtrennen/ die vnſchuldige herd  
Chrifti grewlich zurreiffen/ vnnd  
endtlich mit ſich inn den abgrund  
aller jrrthumb vn̄ verdamnuß zů-  
ftůrtzen/ ſo wirdt man doch nit  
leichtlich befinden/ das er ſich ye-  
mals ſo graufam in ſeinem feint-  
lichen fürnemen erzaigt hab/ als  
eben zů diſen vnfern letzten ellen-  
den vn̄ erbärmlichen zeiten: Sey-  
temal es ſich ſchier laßt anfehen/ es  
gehe

Aa3<sup>r</sup>

gehe das ftündlein mit gwalt da-  
 her/ dauon der H. Apoftel Pau-  
 lus inn feiner andern an Thimo-  
 theum am vierdten ſchreibet/ vnd  
 vns trewlich warnet/ zů derfelbi-  
 gen zeit ein fleißig auffehen zůha-  
 ben/ auff die/ fo zertrennung vnd  
 ergernuß anrichten/ das wir nit  
 durch jhre fůffe wort/ vnd wolfpre-  
 chende reden verfůrt werden. Es  
 wirt ein zeit fein/ ſpricht er/ das ſie  
 die heilfamen lehr/ niñer werden  
 leyden wóllen/ fonder nach jhren  
 eignen lůften/ werde ſie jnen felbs  
 lehrer auffwerffen/ die jhnen die  
 Ohren krawen/ vñ werden jr ge-  
 hór von der warheyt abwenden/  
 vnd ſich zů den Fablen keren.  
 Ob aber nin folches yetzundt

2. Tim. 4

Aa    iij    nit

## Aa3<sup>v</sup>

---

nit im ſchwang gehe/ gib ich ei  
nem yedtwedern güthertzigen fel  
ber zûbedencken/ dieweil es ye lai  
der mehr als zûuul vor augen/ das  
yhme faft ein yedtweder/ nach fei  
nem gefallen einen newen fremb  
den Lehrer fürnimbt/ denfelbi  
gen gleich für feinen Abgott helt/  
vnd ja mehrers theils/ die Ohren  
abwendt von der heilfamen Ca  
tholifchen lehr/ dardurch wir biß  
hieher/ zû aller zucht/ gehorfam/  
erbarkeyt/ tugent/ vnd zû vnferer  
Seelen heyl vnnd ewigen leben/  
feind geraitzt/ gewifen vnd geführt  
worden/ auff Narren thåding/  
leichtfertig gelchwetz/ Carnöffel  
ſpil/ Centonouella/ vnd derglei  
chen vnnütze Fablen/ vnd das vil  
mehr

## Aa4<sup>r</sup>

---

mehr zûbeklagē/ vil newe falche/  
verfürliche außlegung der heiligen  
ſchrift/ fo ein yeder ſectenmeiſter/  
zû beftetigung feiner ketzerey/ ſpal  
tung vnd auffrhûr/ frâuenlich er  
dichtet/ vnd mit groſſem liſt oder  
gwalt zû verderbnuß zeitlicher vñ  
ewiger wolfart/ vnder dz gmeyn/  
vnſchuldig vñ vnuerftendig vólck  
lein/ außſprengen vñ außbreiten/  
all ſein gedancken ſtellet. Alfo ge  
ſchicht dan yetzund/ das die bûcher  
der lieben heiligen alten Vätter/  
mit welchē ſie die Götlich ſchrift/  
warhaftig vñ Chriſtlich erklâret/  
alle jrrthum mit grund verlegt vñ  
widerfochtē haben/ gleich dahindē  
bleiben/ vnd liederlich/ gleich als  
dienen ſie vns nit zûr aufbawung

Aa    iiij    zeit

## Aa4<sup>v</sup>

---

zeitlicher vñ ewiger wolfart/ ver-  
faumbt werden/ vnangefehen/ d3  
inn folchen an einem Blat mehr  
Chriftlicher befcheidenheit/ vol-  
komner kunft vnd lehr/ vnd war-  
haftiger erfahrung der heiligen  
Theology/ erfunden wirt/ dann  
inn einem gantzen dutzet newer  
vnd Gottlofer fchandtbücher.

Derhalben/ fo wer wol hoch  
von nōtten/ das wir (wie vns der  
H. Apoftel Paulus an obgemel-  
tem ort vermanet) wachten/ vns  
allenthalben bemühten/ jnen nit  
allein/ mit newen büchern zübe-  
gegnē (dieweil es bey den fpöttern  
vnnd halßftârrigen wenig frucht  
bringt) fonder die fchrifften vnfer  
lieben vofarn/ dariñ fie den war-  
haftigen/

# Aa5<sup>r</sup>

---

hafftigen/ Apoftolifchen vñ Prophetifchen verftand des Götlichen worts/ warhafftiglich vñ fchriftmäßig außgelegt haben/ beuor auß aber deren heyligen Vätter vnd Scribenten/ fo vor vnd nach taufelt Jaren/ ein heiligen vnnd Gottfeligen wandel in der Chriftenheit geführt/ gefchriben/ vnnd fich wider alle jrrthumb/ als gehorfame kinder der Catholifchen kirchen/ freidig gefetzt/ vnd mit jrem blut/ vnd Götlichen wunderthaten/ die warheit des Catholifchen glaubens befettiget haben/ an dz liecht zu bringen/ damit doch der gemein mañ/ endlich ein mal fehe/ das die jetzige fpaltige vnd vneinige lehren/ welche die Ketzner/

Aa v für

## Aa5<sup>v</sup>

---

für das pur lautter Euangelium  
rhûmen vnd fürgeben/ vorlengft/  
mit allgemeinē Apoftolifchen ver  
ftand der heiligē ſchrift/ in der kir  
chen Gottes/ von difen vñ derglei  
chen/ heiligen/ Gottfeligen/ hoch  
uerftendigen mâñern/ als vnpar  
theyifche Richtern verdampt fein  
worden: dañ fouil die authores oder  
vrfacher der alten vñ newen ketze  
reyen belangt/ ift zûbeforgē/ Gott  
d<sup>9</sup> Herr hab fie von wegē jres ftoltzs  
in verkerten fiñ geben/ das fie mit  
gefehenden Augen nit fehen/ vnd  
mit gehôrenden Ohren nit hôren

Nun aber vnder folchen alten  
furtreflichen Lehrern vnd liechtern  
der Chriftlichen vñ Catholifchen  
kirchen ift nit der wenigft der hei  
lig

# Aa6<sup>r</sup>

---

lig vatter Vincentius Lirinensio  
auß Gallia/ so on gefahr vor ailff  
hundert jaren/ (wie Geñadius in  
Catalogo d<sup>o</sup> Catholischē Scriben  
ten von jm schreibet) nemblich zu  
der zeit des Keyfers Theodofij ge  
lebt hat. Derfelbig H. Vatter hat  
ein herlich gewaltig bûch geschribē  
wie sich ein Catholischer Chrift/  
wañ sich spaltungen vñ newerung  
entpôrē/ halten soll/ dz er die falsch  
verfürische lehr bald erkennen vnd  
vermeydē möge. Dieweil er aber  
von demfelbigē nit ein kleine theil  
verloren/ hat er die fürnehmften  
hauptpunctē in ein kleins bûchlin  
zûsamē gezogen: daffelbig hab ich  
für mich genomē/ vnd dē einfelti  
gē Layē zûgûtē/ auß rhat vñ hilf  
etlicher

## Aa6<sup>v</sup>

---

etlicher gewaltigen vñ anfehllicher  
Theologen auff das aller einfelti-  
geft/ vnd fo vil mir jmmer müg-  
lich gewefen/ auff das aller trew-  
licheft/ nit auß fürwitz/ oder eyg-  
ner vermessenheit (dann ich all-  
zeit verhofft/ es werd ein ander  
baß erfarnet folche arbeyt vnder  
die hând nemen/) fonder auß fon-  
derm eyfer/ den ich ye vnd allwe-  
gen zû der Chriftlichen kirchen/  
vnd Catholifchem glauben getra-  
gen/ verteüfchet/ fürnemblich  
dieweil ich auch gefehen/ d3 in di-  
sem büchlin dermaffen gründtlich  
wirdt angezeigt/ welche lehr recht  
Catholifch vnd Chriftlich/ vnnd  
welche entgegen new vñ ketzerifch  
sey/ wie man eine von der andern  
entfchaiden

Aa7<sup>r</sup>

---

entfchaiden muß/ das folches ein  
yeglicher/ rechter liebhaber der  
warhey/ nit allein fehen/ fonder  
greiffen künde.

Dife mein geringfügige arbeit/  
hab ich E. F. G. als ein demütiger  
Caplan/ wöllen dedicirn vnd zů  
fchreiben/ in vndertheniger hoff  
nung/ fy werden kein mißfallen/  
fonder ein genedigs gefallen darob  
tragen/ dieweil fie on das/ auß an  
geborner gnad vnd tugent/ nit al  
lein ein warhafftige liebhaberin/  
fonder auch ein gewaltige befchü  
tzerin feind/ der Chriftlichen Re  
ligion vñ Catholifchen glaubens.  
In welchem E. F. G. warhafftig  
vnnd hochlößlich erzogen/ vnd ye  
tzundt auch nit allein von jhr felbs  
befändiglich

## Aa7<sup>v</sup>

---

befändiglich dariñ bleiben/ fonder auch allen möglichen fleiß fürwenden/ jre geliebte fün vn töchter/ dariñ zuerziehen vnd befätigen: in betrachtung/ das Gott der Allmächtig/ das hochlößlich hauß von Ofterreich vn Bayrn/ nit allein mit zeitlicher ehr/ gewalt vnd reichthumb/ fonder auch mit ewiger feligkeit/ vilfeltigē gaben/ vber alle ftende des Römifchē Reichs/ geehret/ erhöhet/ vnd vor allē feintlichen gewalt/ gewaltigklich biß anher geziert vnd bekreffiget hat.

Der vngezweifleten hoffnung/  
derfelbig Allmächtig güttig Got/  
werde hochgedachte beyde Geschlechter (wouerr fie bey der Catholifchen Religion/ wie wir alle  
hoffen

# Aa8<sup>r</sup>

---

hoffen vnd bitten/ beftendigklich  
bleibē werden) hinfort mit zeitli-  
chen vnd ewigen gütern/ dermaf-  
fen hie auf erdē ſchmucken vnd zie-  
ren/ das menigklich darauß mög  
abzunemē ſein/ Gott hab in diſen  
beyden heüfern Oftereich vnnd  
Bayrn/ ſein herliche Göttliche  
wonung dermaffen angericht/ dz  
er auch mit aller gnadē/ dariñ biß  
zu end wöll bleiben vnd wohnen.  
Darüber wir alle den Allmechti-  
gen Gott embfig vn̄ vnauffhörlich  
zūbitten ſchuldig vnnd verpflichtet  
ſein/ vnd ſein wöllē.

Thû hiemit E. F.G. in die gnad  
Gottes des Allmechtigen trewlich  
beuelhen/ mit vnderthenigfter bit-  
ſie wöllē mich vn̄ meine Studia  
jhr

# Aa8<sup>v</sup>

---

jhr genädigklich beuolhen haben.  
Geben in Jngoltatt auff Mat<sup>z</sup>  
they des Heiligen Apoftels vnnd  
Euangeliften tag/ Jm Taufent  
Fünffhundert vnnd Drey vnnd  
fechtzigften Jar.

E. F. G.

Vnderthenigfter  
Caplan/

M. Sebafianus Fa<sup>z</sup>  
ber, Bauarus.